

**MOLAETSA OA PHATLALATSO EA LETSATSI LA THAPELO
(LA 1 PHUPTJANE, 2018) KA MOTLOTLEHI LETSIE III**

SECHABA SA HESO,

NTUMELLENG KE ISE LITUMELISO TSAKA TSE KHETHEHILENG HO LONA BOHLE. KE LAKATSA HO LE HOPOTSA TAELO EA MORENA MOLIMO E RENG: **“SE PHETSENG HO RAPELA, LEBOHANG LINTHONG TSOHLE, HOBANE TSENA KE TSONA TSEO MOLIMO A RATANG HORE RE LI ETSE KA KRISTE JESU”.** (1 BATHESALONIKA 5:17 &18).

E LE HO PHETHAHATSA TAELO ENA, KE PHATLALATSA KA BOIKOKOBETSO BOHLE, HORE KE KOPILE LEKHOTLA LA LIKEREKE LESOTHO HORE KA LABOHLANO LA LA 1 PHUPTJANE, 2018, LE ETELLE PELE THAPELO EA HO HLEKELA MOSEBETSI O MOHOLO OA BOHLOKOA OA LEETO LA RONA LA TLHOPHO-BOCHA EA TSAMAISO LE MELAO EA RONA.

THAPELO ENA E TLA TS'OARELOA LITEREKENG TSE LESHOME TSA NAHA, LIBAKENG TSE HLOAILOENG KE BATSAMAISI BA LITEREKE, 'ME RE LEBELETSE HORE MOTHO E MONG LE E MONG EA TENG KA HARE HO NAHA, A EE SETSING SE HAUFU LE EENA HO EA BA KAROLO EA THAPELO.

MASERU MONA THAPELO E TLA TS'OARELOA LEBALENG LE LEHOLO LA LIPAPALI LA SETSOTO, 'ME E TLA QALA KA MOTSAMAO O TLOHANG SEFIKENG SA MORENA MOSHOESHOE HO LEBA HONA MOO LEBALENG LA SETSOTO, KA HORA EA LESHOME HOSENG.

HAPE, KA KELETSO EA 'MUSO, KE ENTSE QETO EA HORE LETSATSI LONA LENA LA LABOHLANO LA 1 PHUPTJANE, 2018 E TLA BA LETSATSI LA PHOMOLO LEO KA LONA KE KOPANG MOSOTHO E MONG LE E MONG HORE E TLE E BE KAROLO EA THAPELO ENA EA NAHA.

KE QETELLA KA HO IPILE TSA HO LONA BOHLE HORE MOTHO E MONG LE E MONG A TENG KA HARE HO NAHA A ITUKISETSE LETSATSI LENA

LE LEHOLO, RE EENG LIBAKENG TSE HLOAILOENG KA BONGATA BO
BOHOLO, RE ILO RAPELLA TSELA E RE ISANG BOKAMOSONG BO
KHANYANG BA NAHA EA LESOTHO.

MOLIMO O BOLOKE LESOTHO LE BASOTHO.

KHOTSO! PULA! NALA!!